

maja; tarre een wäljäs pidditse aija weren
 háál pool om temma ait, kurral pool laut; kosi-
 tarre tagga-sain om aida. Se aid om kapstide,
 kale, uppe nink jure-wiljaga holelikkult ráús
 istotedu nink kigest hainast nink umbrohhust
 puhhas. Üts rusaga puistetu te lááp ristí
 kesset aida lábbi, mes nelja neljakandiliste
 jalku om jaetu; nisamma om aidwerin üts
 rusa-te. Te sissenpolitse weerde omma uipu
 istutedu. Põhja poolde omma aidweerde raa-
 pu puistetu nink mõnne wahtra istotedu. Siin
 om ka koolmeistre mehhitse-aid. Omma ütessa
 wakka-ossa maad ei olle temma mitte wanna
 wisi perra pruuknu nink kolm wakka-ossa rükki,
 kolm wakka-ossa tõu-wilja alla wõtnu nink
 kolm wakka-ossa kessas jätnu, enge temma om
 ütte wakka-ossa päle kartohwliid mahha-tennu,
 kost temma ennamb kui sadda wakka saap;
 ajastaig päle se külwap temma se kartohwli-
 moo päle kätte õlaga kessiwi, ehk ka suwwi-nissu,
 mes mõllemba wäega háste sigginewa; temma
 arwamisse perra omma katstöiskümmend wakka
 sest külwist kassin saak; kessiwi ehk suwwi-nissu
 sekka külwap temma ristikhaina. Kolmandal
 ajastajal puistap temma kewwajal weidikesse
 pallotedut nink penikesses tambitut Kipsi-kiwwi,
 — kaso perra, katstkümmend punda wakka-ossa
 ristikhaina päle. Sedda Kipsi-kiwwi ostap
 temma kolme rubla eest. — Ent määrne suur
 tullu ei olle temmal sest ristikhainast! Temma

nidap sedda katškõrd, enne Jani-nink Pärtli-
 päiwa, nink om, ilma selleta, mes temma seem-
 nes saisma jättap, mõllembist niitmissist nellis-
 sadda punda sanu. Sedda ristikhaina nurme
 prugip temma ka neljandal ajastajal Jani päi-
 wani, ent ei mitte ni wäga kuwatedu ristik-
 haina tarbis, kui omma hobbesele nink omme
 tõprille wärskis sõdas nink sõda-maas, mes
 temma majapidamissele wäga tullulik om.
 Müüd künnap temma sedda ristikhaina nurme
 umbre nink harrip sedda maad róa-nurmes.
 Se man om temmal kül weidikesse ennamb
 tõdd; ka peap temma sedda maad üts- ehk
 katškõrd ennamb kündma, kui muido; — ent
 kuis rohkeste kannap se kartohwlide perrast
 háste harritu nink ristikhaina juri lábbi koh-
 hestettu ma wilja; sest temma saap müüd wien-
 dal ajastajal se wakka-ossa ma päält, hõlpsast
 arwatu, kümme ehk ka katstöiskümmend wakka
 rükki. Kuwwendal ajastajal jääp se ma kes-
 sas, — saap perran kessiwa-külwi künnetus,
 õestetus, hásta wáitadus nink siis, nida kui
 ma tahhap, üts- ehk katškõrd künnetus nink
 enne Pärtlipäiwa saap rükki selle päle külwetus;
 ka müüd saap se koolmeister kümme semend;
 se om saitsmes ajastaig. Kattesamal ajasta-
 jal prugip temma sedda maad omma ma kessiwi
 tarbis, mes temma illembalt külwap nink kost
 temma kattesä ehk kümme semend wõip lota.
 Wimete üttesamal ajastajal saap se nurme päle